



Dj. broj: 07-01-431/24  
Sarajevo, 28.10.2024. godine


Predmet: Saopćenje Kantonalnog odbora SSVOONK BiH Kantona Sarajavo povodom izbacivanja radnika na ulicu od strane Vlade KS

### „NEMOĆNA“ VLADA KANTONA SARAJEVO

Povodom novonastale situacije u kojoj se našao naš član, dugogodišnji radnik u srednjoj školi, da se nakon Odluke Vlade Kantona Sarajevo nađe na "ulici" bez ugovora o radu, a samim tim i bez plaće za mjesec septembar, Kantonalni odbor iskazuje najoštriji protest, zabrinutost i nevjericu.

Naime, nakon usvajanja Pedagoških standarda i normativa za srednje obrazovanje od strane Vlade KS, a na prijedlog Ministarstva za odgoj i obrazovanje, uprkos negativnom mišljenju Sindikata (jer nam je bilo onemogućeno da učestvujemo u izradi ovog propisa), naš radnik Srđan Rodić našao se u situaciji u kojoj se do sada niko iz obrazovanja nije našao. Novi Pedagoški standardi i normativi za srednje obrazovanje doveli su do toga da ovaj radnik ne može sa svojom stručnom spremom raditi u srednjim škola, te je, kako bi se isti zbrinuo i ne bi ostao bez posla, urađen Plan i program zbrinjavanja viška radnika na osnovu odredbe Kolektivnog ugovora, koji je Vlada Kantona Sarajevo usvojila 29. augusta 2024. godine. Tim aktom se Srđan Rodić zbrinjava u JU Collegium artisticum. Međutim, direktor ove javne ustanove je odbio ispoštovati akt Vlade KS i odbio potpisati ugovor o radu sa Rodić Srđanom. Situacija je dovela do toga da se radnik našao "ni na nebu ni na zemlji", i to bez plaće za septembar, od koje bi trebao prehraniti svoju porodicu. Za tu namjenu je Sindikat uplatio novčana sredstva kao pomoć našem članu, dok Vlada KS ne shvati ko upravlja javnim sektorom u KS. Odluke Vlade KS, kao nosioca izvršne vlasti, morale bi biti provodive u svim javnim ustanovama u kojima ista ta Vlada imenuje direktore i upravne odbore. Ipak, u ovom slučaju se pokazalo da je prvi preduvjet za tako nešto - jaka Vlada KS.

Očekujemo od Vlade Kantona Sarajevo ili Ministarstva za odgoj i obrazovanje KS hitan poziv na sastanak, kako bi se riješio ovaj, do sada neviđen, slučaj.



Predsjednik Kantonalnog odbora

Admir Suvalić